



Մ Ա Յ Ր Ա Թ Ո Ռ Ո Ւ Մ

Հոկտեմբերի 9-ին, երեքշաբթի.—Այսօր, երեկոյան ժամը 19-ին, Վեհարանում, Վեհափառ Հայրապետի նախագահությամբ, գումարվեց Գերագույն հոգևոր խորհրդի հերթական նիստը, ուր նշանակվեցին թեմակալ նոր առաջնորդներ՝ ներքին թեմերի համար:

Նիստի ընթացքում, Վեհափառ Հայրապետի առաջարկով, տ. Վահան եպս. Տերյանը նշանակվեց Ադրբեջանի թեմի առաջնորդ, տ. Նարեկ եպս. Ծաքարյանը, որը վարում էր Ծիրակի թեմի առաջնորդական տեղապահի պաշտոնը՝ նույն թեմի առաջնորդ, և տ. Գևորգ եպս. Սերադյարյանը, որը վարում էր վրահայոց թեմի առաջնորդական տեղապահի պաշտոնը՝ նույն թեմի առաջնորդ:

«Էջմիածին» ամսագրի խմբագրությունը շնորհավորում է ջերմորեն թեմակալ նորընտիր առաջնորդներին և նրանց բարեմաղթում թեմական բեղուն և արդյունավոր գործունեություն և պաշտոնավարություն՝ ի մխիթարություն հայ հավատացյալ ժողովրդի և ի պայծառություն Հայաստանյայց առաքելական եկեղեցու:

*
* *

Հոկտեմբերի 11-ին, հինգշաբթի.—Այսօր, երեկոյան ժամը 18-ին, հոգևոր ճեմարանում տեղի է ունենում մանկավարժական ժողով, ուր տեսուչ տ. Արիս ծ. վրդ. Ծիրվանյանը զեկուցում է մեկ ամսվա ընթացքում կատարված ուսումնա-դաստիարակչական և

կարգապահական հարցերի շուրջ: Տեսչական զեկուցագրի շուրջ մտքերի փոխանակությանը մասնակցում են դասախոսներից շատերը՝ անելով մի շարք օգտակար թելադրություններ և առաջարկներ:

Մանկավարժական ժողովից հետո Վեհափառ Հայրապետը բարեհաճում է Վեհարանում ընդունել տեսչին և դասախոսական կազմին և զրույց ունենալ նրանց հետ: Տեսուչ վարդապետը Վեհափառ Հայրապետին է զեկուցում մանկավարժական ժողովում քննված և ուսումնա-դաստիարակչական հարցերի վերաբերյալ ընդունված որոշումների մասին:

Վեհափառ Հայրապետը իր գոհունակությունն է հայտնում ճեմարանում կատարվող ուսումնական, դաստիարակչական աշխատանքների մասին և այս առթիվ կատարում մի շարք օգտակար թելադրություններ՝ էլ ավելի կազմակերպված և արդյունավետ անցկացնելու համար 1973—1974 ուսումնական տարին ճեմարանի հարկի տակ:

*
* *

Հոկտեմբերի 14-ին, կիրակի.—Ե կիրակի զկնիսի ա. Խաչի.

Մայր տաճարում ա. պատարագ է մատուցում և «Հայր մեր»-ից առաջ քարոզում ուխտավորաբար Մայր Աթոռում գտնվող Տորոնտոյի ա. Երրորդություն եկեղեցու հոգևոր հովիվ տ. Ժիրայր վրդ. Թաշճյանը:

Ա. պատարագին ներկա է լինում Վեհափառ Հայրապետը:

Հոկտեմբերի 21-ին, կիրակի.—Զ կիրակի
զկնիս. Խաչի.

Մայր տաճարում ս. պատարագ է մատուցում և «Հայր մեր»-ից առաջ քարոզում Մայր Աթոռի միաբան և Լոնդոնի ս. Սարգիս եկեղեցու հոգևոր հովիվ տ. Ներսես Ծ. վրդ. Պողոսյանը:

Ս. պատարագին ներկա է լինում Վեհափառ Հայրապետը:

Հոկտեմբերի 25-ին, հինգշաբթի.—Այսօր
հոգևոր ճեմարանի տեսչի գլխավորությամբ

ուսանողությունը և դասախոսական կազմը շրջապատույթի են մեկնում Մեծամոր, Սարգիսյանի հուշարձանախումբ և Այրր լիճ:

Հոկտեմբերի 28-ին, կիրակի.—Է կիրակի
զկնիս. Խաչի. Գիտ Խաչի.

Մայր տաճարում իր եպիսկոպոսական անդրանիկ պատարագն է մատուցում և «Հայր մեր»-ից առաջ քարոզում Ծիրակի նորընտիր թեմակալ առաջնորդ տ. Նարեկ եպս. Ծաքարյանը:

Ս. պատարագին ներկա է լինում Վեհափառ Հայրապետը:

